

**«Գետառողդատային տիպի հանքավայրերում
ավազի և ավազակոպճային խառնուրդի
վերականգնվող պաշարների արդյունահանման
կարգը սահմանելու և Հայաստանի
Հանրապետության կառավարության 2008
թվականի հունվարի 10-ի N 18-Ն որոշումն ուժը
կորցրած ճանաչելու մասին» ՀՀ կառավարության
որոշման նախագիծ**

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

« » _____ 2021 թ. ____ - Ն

**ԳԵՏԱՌՈՂԱՏԱՅԻՆ ՏԻՊԻ ՀԱՆՔԱՎԱՅՐԵՐՈՒՄ ԱՎԱԶԻ ԵՎ ԱՎԱԶԱԿՈՊՃԱՅԻՆ
ԽԱՌՆՈՒՐԴԻ ՎԵՐԱԿԱՆԳՆՎՈՂ ՊԱՇԱՐՆԵՐԻ ԱՐԴՅՈՒՆԱՀԱՆՄԱՆ ԿԱՐԳԸ
ՍԱՀՄԱՆԵԼՈՒ ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2008
ԹՎԱԿԱՆԻ ՀՈՒՆՎԱՐԻ 10-Ի N 18-Ն ՈՐՈՇՈՒՄՆ ՈՒԺԸ ԿՈՐՑՐԱԾ ՃԱՆԱԶԵԼՈՒ
ՄԱՍԻՆ**

Հիմք ընդունելով Հայաստանի Հանրապետության ընդերքի մասին օրենսգրքի
15-րդ հոդված 2-րդ մասի 25-րդ կետը՝ Հայաստանի Հանրապետության
կառավարությունը **որոշում է.**

1. Սահմանել գետառողդատային տիպի հանքավայրերում ավազի և
ավազակոպճային խառնուրդի վերականգնվող պաշարների
արդյունահանման կարգը՝ համաձայն հավելվածի:

2. Ուժը կորցրած ճանաչել Հայաստանի Հանրապետության կառավարության 2008 թվականի հունվարի 10-ի «Հայաստանի Հանրապետության տարածքում Արաքս գետից գետավազի արդյունահանման կարգը հաստատելու մասին» N18-Ն որոշումը:
3. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՐՉԱՊԵՏ
Ն. ՓԱՇԻՆՅԱՆ**

Հավելված
ՀՀ կառավարության 2021 թ.
_____ N ____-Ն որոշման

ԿԱՐԳ

**ԳԵՏԱՈՂՈՂԱՏԱՅԻՆ ՏԻՂԻ ՀԱՆՔԱՎԱՅՐԵՐՈՒՄ ԱՎԱԶԻ ԵՎ ԱՎԱԶԱԿՈՊՃԱՅԻՆ
ԽԱՌՆՈՒՐԴԻ ՎԵՐԱԿԱՆԳՆՎՈՂ ՊԱՇԱՐՆԵՐԻ ԱՐԴՅՈՒՆԱՀԱՆՄԱՆ**

1. Սույն կարգով կարգավորվում են Հայաստանի Հանրապետության տարածքում, գետաողողատային տարածքում գտնվող հանքավայրերից ավազի և ավազակոպճային խառնուրդի վերականգնվող պաշարների արդյունահանման հետ կապված հարաբերությունները:
2. Գետաողողատներում գտնվող հանքավայրերը համարվում են գետի ողողատային տիպի հանքավայրեր, որոնց պաշարները պարբերաբար ընթացող վարարումների արդյունքում կախված գետում ջրի տարեկան միջին ծախսից, կուտակի դիրքից և քանակից, վերականգնվում են որոշակի չափով:
3. Ընդերքօգտագործողը գետաողողատներում գտնվող հանքավայրերից՝ ավազի և ավազակոպճային խառնուրդի վերականգնվող պաշարների արդյունահանումը պետք է իրականացնի՝

1) ողողատահունից ջրիոսքի բացակայության պայմաններում,

- գետերի միջվարարումների փուլում՝ վերականգնված պաշարների որակի և քանակի փաստագրումից հետո,

- առանց գետի հունի ավազծի խախտման, գետի ջրի աղտոտման (պարզության պղտորում, քիմիական կազմի փոփոխություն) և գետի ջրում առկա կենդանական ու բուսական տեսակների վնասման,
 - գետի (բացառությամբ Արաքս գետի) ավիից 5 մետր հեռավորության վրա,
 - Արաքս գետի ավիից՝ 20 մետր, իսկ վերջինիս ավի երկայնքով կառուցված արգելաթմբերից դեպի ավի ուղղությամբ՝ 10 մետր հեռավորության վրա՝ կանխելով և բացառելով արգելաթմբերի վնասումը:
4. Միջվարարումների փուլում մինչև արդյունահանման աշխատանքներ սկսելը սույն կարգի 3-րդ կետի 1-ին և 2-րդ ենթակետերով սահմանված պայմանների հավաստումը պետք է իրականացվի բնապահպանության և ընդերքի ոլորտում վերահսկողություն իրականացնող տեսչական մարմնի կողմից կազմված համապատասխան արձանագրությամբ:
 5. Ավազի և ավազակոպճային խառնուրդի վերականգնվող պաշարների արդյունահանումը գետերի հուններից արգելվում է:
 6. Սահմանային շերտում սահմանային գետերի ավերին գտնվող գետառողղատային տիպի հանքավայրերից՝ ավազի և ավազակոպճային խառնուրդի վերականգնվող պաշարների արդյունահանման հետևանքով գետի հունի փոփոխությունը, հետևաբար նաև անդրսահմանային ազդեցությունը բացառելու նպատակով յուրաքանչյուր ամիս տոպոգրաֆիական հանույթային աշխատանքների կատարման միջոցով իրականացվում է գետի հունի վիճակի ու կայունության մշտադիտարկումներ:
 7. Սահմանային գետերի ավերին գտնվող գետառողղատային տիպի հանքավայրերից ավազի և ավազակոպճային խառնուրդի վերականգնվող պաշարների արդյունահանման համար հողամասի նպատակային նշանակության փոփոխություն և հողամասի հատկացում չի պահանջվում:
 8. Սույն կարգի 6-րդ կետով պահանջվող մշտադիտարկումների արդյունքներով գետի հունի վիճակի և կայունության փոփոխություններ (այդ թվում՝ ոչ իր գործունեության հետևանքով) հայտնաբերելու դեպքում անհապաղ դադարեցվում են հանքավայրի շահագործման աշխատանքները և մշտադիտարկումների արդյունքները երկօրյա ժամկետում ներկայացվում են ընդերքօգտագործման բնագավառի լիազոր մարմին, արտակարգ իրավիճակների բնագավառի լիազոր մարմին, շրջակա միջավայրի պահպանության բնագավառի լիազոր մարմին ու բնապահպանության և ընդերքի ոլորտում վերահսկողություն իրականացնող տեսչական մարմին:
 9. Սույն կարգի 8-րդ կետի պահանջներին համապատասխան՝ հանքավայրի շահագործման աշխատանքների դադարեցման պարագայում ավազի և ավազակոպճային խառնուրդի վերականգնվող պաշարների արդյունահանման աշխատանքների իրականացումն արգելվում է, մինչև գետի հունի վիճակի և կայունության բնականոն վիճակի վերականգնումը, որի հավաստումը պետք է իրականացվի բնապահպանության և ընդերքի ոլորտում վերահսկողություն իրականացնող տեսչական մարմնի կողմից կազմված համապատասխան արձանագրությամբ:
 10. Գետառողղատներում գտնվող հանքավայրերից՝ ավազի և

ավագակոպճային խառնուրդի վերականգնվող պաշարների արդյունահանման ծավալները չեն կարող գերազանցել արդյունահանման նախագծով սահմանված հանքի տարեկան արտադրողականության ծավալները:

11. 11. Սույն կարգի պահանջների պահպանման պետական վերահսկողությունը իրականացնում է Հայաստանի Հանրապետության բնապահպանության և ընդերքի տեսչական մարմինը:
12. 12. Մինչև սույն որոշումն ուժի մեջ մտնելը գետառողղատային տիպի հանքավայրերում ավազի և ավագակոպճային խառնուրդի վերականգնվող պաշարների արդյունահանման գործունեություն իրականացնող տնտեսվարող սուբյեկտների վրա՝ սույն կարգի 3-րդ կետի

1) 1-2-րդ ենթակետերի դրույթները տարածվում են սույն որոշումն ուժի մեջ մտնելու օրվանից վեց ամիս հետո,

2) 4-րդ և 5-րդ ենթակետերը՝ կիրառվում են գետառողղատային տիպի հանքավայրերում ավազի և ավագակոպճային խառնուրդի վերականգնվող պաշարների արդյունահանման աշխատանքների ընթացքում առաջացող այն իրավահարաբերությունների նկատմամբ, որոնք ծագել են սույն որոշումն ուժի մեջ մտնելուց հետո:

ՏԵՂԵԿԱՆՔ

ԱՅՆ ԻՐԱՎԱԿԱՆ ԱԿՏԵՐՈՒՄ ԿԱՏԱՐՎՈՂ ՓՈՓՈԽՈՒԹՅՈՒՆՆԵՐԻ ԿԱՄ ԼՐԱՅՈՒՄՆԵՐԻ ՎԵՐԱԲԵՐՅԱԼ

«Գետառողղատային տիպի հանքավայրերում ավազի և ավագակոպճային խառնուրդի վերականգնվող պաշարների արդյունահանման կարգը սահմանելու և Հայաստանի Հանրապետության կառավարության 2008 թվականի հունվարի 10-ի N18-Ն որոշումն ուժը կորցրած ճանաչելու մասին» ՀՀ կառավարության որոշման նախագծի ընդունման կապակցությամբ այլ իրավական ակտերում փոփոխություններ և լրացումներ կատարելու անհրաժեշտություն չկա:

ՏԵՂԵԿԱՆՔ

ՊԵՏԱԿԱՆ ԿԱՄ ՏԵՂԱԿԱՆ ԻՆՔՆԱԿԱՌԱՎԱՐՄԱՆ ՄԱՐՄԻՆՆԵՐԻ ԲՅՈՒՋԵՆԵՐՈՒՄ ԾԱԽՍԵՐԻ և ԵԿԱՄՈՒՏՆԵՐԻ ԱՎԵԼԱՑՄԱՆ ԿԱՄ ՆՎԱՁԵՑՄԱՆ ՎԵՐԱԲԵՐՅԱԼ

«Գետառողղատային տիպի հանքավայրերում ավազի և ավագակոպճային խառնուրդի վերականգնվող պաշարների արդյունահանման կարգը սահմանելու և Հայաստանի Հանրապետության կառավարության 2008 թվականի հունվարի 10-ի N18-Ն որոշումն ուժը կորցրած ճանաչելու մասին» ՀՀ

կառավարության որոշման նախագծի ընդունման կապակցությամբ պետական կամ տեղական ինքնակառավարման մարմնի բյուջեում եկամուտների և ծախսերի ավելացում կամ նվազեցում չի նախատեսվում: